



6. marts 2015

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

1. Naalakkersuisunut ilaasortat immikkut siunnersortaannik atorfinitsitsisarneq akissaa-teqartitsisarnerlu pillugit kaajallaasitaq 1. januaari 2014-meersup attatiinnarnissaa Naalakkersuisut sutigit iluaqutissarsivigisarpaat, ersarissumik malunnarmat naalakkersuisoqatigiinni partiit annersaasa marluk immikkut siunnersortinik atuisinnaaneq atorusunngikkaat?

2. Naalakkersuisut eqqarsaatigisinnaanerlugu kaajallaasitap pineqartup atorunnaarsinnissaa?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Naalakkersuisunut ilaasortat immikkut siunnersortaannik atorfinitsitsisarneq akissaa-teqartitsisarnerlu pillugit kaajallaasitaq 1. januaari 2014-meersoq sakkortuumik Demokraatini isornartoqartipparput. Tamatumunnga pissutaavoq isumaqaratta tamanna isertortumik partiinut tapiisarnertut isigisariaqartoq, naalakkersuisoqatigiinni partiit kisimik iluaquserneqartarmata aamma illuatungiliuttut immikkut siunnersortinik atorfinitsitsinissaminnut periarfissaqanngimmata.

Demokraatini tamanna tunngavigalugu iluarisimaarpaat, Siumup Demokraatillu Naalakkersuisuni ilaasortaataaasa aaqqissuussineq atorusunngimmassuk aamma tamanna tunngavigalugu isumaqarpugut kaajallaasitap atorunnaarsinnissaa Naalakkersuisut eqqarsaatigisariaqaraat.

Tamatumunnga atatillugu oqaatigerusupparput isumaqarluinnaratta Namminersorlutik Oqartusani atorfillit Naalakkersuisunut siunnersortaannissaminnut piukkunnarluartut.

Apeqqutit akeqquneqarput ullut suliffiit nalignnaasut qulit iluanni.